

Augustus 2018


Beste Ruiters

Kom ons begin op 'n ietwat negatiewe noot: ons posdiens. Op 21 Mei word 'n koevert in Rynfield per spoedpos aan my gestuur. Bloemhof stempel ontvangs op 11 Junie. 21 dae! Akasia se poskantoor wil nie die pakkie met die diensgroep se ruite aanvaar vir versending nie. As u dus u inskrywing gepos het en u naam is nie gelys nie, het ek dit nie ontvang nie.

Koerierdienste is miskien 'n oplossing. Daar is 'n baie bekende winkelgroep wat onlangs 'n koerierdiens – toonbank tot toonbank – ingestel het, PEP. As u hulle gebruik, kies maak die Bloemhof tak met die takkode P0283.

Ons het die punt bereik waar daar meer Inskrywings elektronies ingestuur is as met die pos. Sommige het gefaks en gepos, ander ge-e-pos en gefaks. Ek glo ek het almal gekry en die name gelys. MAAR: bel Hennie Oosthuizen my en sê sy Ruit is laat, hy e-pos dit gou vir my. Ek kyk na die e-posbus, sien daar kom hy in en woeps! verdwyn hy. Weg. Heeltemal!

Kom ons probeer die volgende: ek het 'n spesiale e-posadres geskep vir die Ruit: gksaruit@mail.com. As u die inskrywing stuur, stuur dit na hierdie adres asook ruit@gksa.co.za. Dan maak ons dubbel seker om nie 'n enkele Ruit verlore te laat gaan nie. Ek het 'n verdere versoek: in die "subject" veld moet u asseblief u GEMEENTE en u eie NAAM inskryf. Dit sal die sorterings baie vergemaklik. Dit is ook veilig om onder die opsies te vra dat hy 'n "ontvang" en "lees" boodskap moet terugstuur.



The image shows a screenshot of an email client's composition window. On the left is a 'Send' button with a paper plane icon. The 'From' field is set to 'finium@gksa.co.za'. The 'To' field contains two email addresses: 'gksaruit@mail.com' and 'ruit@gksa.co.za', each with a radio button next to it. The 'Cc' and 'Bcc' fields are empty. The 'Subject' field contains the text 'Bloemhof: Hennie en Betsie van Wyk'. Below the email fields is a box containing the text 'Ruite 2019'.

Ek moet ook sê dat hoe meer die tegnologie vorder, hoe makliker kan dinge skeef loop. As dit skeef loop, is dit sommer baie skeef. Kom ons hoop maar alles is hier en almal tevrede.

Onthou maar weer om te meld as u oor 80 is, veral as iemand anders die inskrywings per e-pos of faks stuur.

Daar is ook 'n ander klein probleempie wat soms insluip en wat ons nie noodwendig raaklees nie: waar daar woordjies in die hersiening van die vertalings verander word. Jammer as dit u so effens van stryk bring.

Ek gebruik net die amptelike vertalings van die Bybelgenootskap. Daar is ander vertalings in Afrikaans beskikbaar maar ek gebruik hulle nooit nie.

Onthou my drie boekies oor ons Belydenisskrifte. Ek het daar woorde uitgelaat en die woorde versteek in 'n woordsoek. Die boekies is by die Administratiewe Buro beskikbaar.

Onthou ook dat ek in die Slingervel ook mini-Ruite publiseer – heeltemal te maklik vir die Ruiters, maar darem iets om u mee besig te hou.

Hartlike Ruit-groete

U Ruitherder

Ds Hennie